

**BIL. 5 TAHUN 1992**

**ENAKMEN  
PENGAWALAN PENTERNAKAN BABI 1992**

-----  
**SUSUNAN SEKSYEN**  
-----

**BAHAGIAN I  
PERMULAAN**

**Seksyen**

1. Tajuk ringkas dan mula berkuatkuasa.
2. Tafsiran.

**BAHAGIAN II  
KUASA EKSEKUTIF**

3. Kewajipan-kewajipan Pengarah.
4. Perlantikan pegawai diberi kuasa.
5. Perlantikan Jawatankuasa Penasihat Teknikal.

**BAHAGIAN III  
KAWASAN PENTERNAKAN BABI**

6. Penetapan Kawasan Penternakan Babi dan Zon Penampan Babi.
7. Lokasi □□dding babi.

**BAHAGIAN IV  
PELESENAN PENTERNAK**

8. Lesen penternakan babi.
9. Lesen penternakan babi sementara.
10. Permohonan.
11. Kelulusan pelan.
12. Mempamer dan mengemukakan lessen.
13. Keengganan mengemukakan atau pembatalan lessen.
14. Laporan setengah tahun.

## **PERAK BIL. 5 TAHUN 1992**

### **BAHAGIAN V PENGUATKUASA DAN PENDAKWAAN**

15. Kuasa memasuki premis.
16. Penyitaan dan pengalihan babi.
17. Kuasa menangkap.
18. Pendakwaan.
19. Perobohan □ading.

### **BAHAGIAN VI AM**

20. Pelanggaran syarat atau sekatan.
21. Pembuangan sisa babi.
22. Pengangkutan babi.
23. Perakuan palsu.
24. Menyekat pegawai.
25. Kesalahan yang dilakukan oleh pemunya dan penghuni tanah.
26. Babi merayau.
27. Penalti am.
28. Kesalahan yang dilakukan oleh pertubuhan perbadanan.
29. Kuasa untuk mengkompaun.
30. Perlindungan pegawai.
31. Kaedah-kaedah.

**Bil. 5 TAHUN 1992**

BETA PERKENANKAN,

**(RAJA NAZRIN SHAH),**  
*Pemangku Raja Perak*

(Mohor Kerajaan)

13hb Januari 1993

Suatu Enakmen untuk mengawal dan mengawalselia penternakan babi dalam Negeri Perak dan untuk mengadakan peruntukan bagi perkara-perkara yang berkaitan dengannya.

[ ]

**ADALAH DENGAN INI DIPERBUAT UNDANG-UNDANG** oleh Kuasa Undang-undang Negeri Perak seperti berikut:

**BAHAGIAN I**

**PERMULAAN**

1. Enakmen ini bolehlah dinamakan Enakmen Pengawalan Penternakan Babi 1992 dan hendaklah mula berkuatkuasa pada tarikh yang ditetapkan oleh Pihak Berkuasa Negeri melalui pemberitahuan dalam *Warta*.

**Tajuk ringkas dan mula berkuat kuasa.**

2. (1) Dalam Enakmen ini, melainkan jika konteksnya menghendaki makna yang lain—

**Tafsiran.**

"alat pengangkutan" termasuklah kapal, keretapi, kenderaan, pesawat udara atau apa-apa cara pengangkutan lain dengan mana orang atau barang-barang boleh dibawa;

"babi" termasuklah babi hutan;

"hutan simpanan kekal" mempunyai makna yang sama seperti yang diberi kepadanya dalam Akta Perhutanan Negara 1984;

**Akta 313.**

"jalan" mempunyai makna yang sama seperti yang diberi kepadanya dalam Akta Pengangkutan Jalan 1987;

**Akta 333.**

## PERAK BIL. 5 TAHUN 1992

"kaedah-kaedah"ertinya kaedah-kaedah yang dibuat di bawah seksyen 31;

"Kawasan Penternakan Babi" ertinya mana-mana tempat yang ditetapkan sebagai Kawasan Penternakan Babi di bawah subseksyen (1) seksyen 6;

*Akta 333.* "kenderaan" mempunyai makna yang sama seperti yang diberi kepadanya dalam Akta Pengangkutan Jalan 1987;

"ladang babi" ertinya suatu tempat yang digunakan untuk penternakan babi;

"lesen" ertinya suatu lesen penternakan babi, termasuklah suatu lesen penternakan babi sementara, yang dikeluarkan di bawah Enakmen ini;

"pegawai diberikuasa" ertinya pegawai yang dilantik di bawah seksyen 4;

"pemegang lesen" ertinya seseorang yang mana lesen dikeluarkan kepadanya;

"pemunya" berhubungan dengan babi ertinya seseorang yang memiliki babi atau bertanggungjawab bagi penjagaan, pengurusan, penternakan, pembiakan atau penyimpanan babi atau yang menjaga babi, atau yang memelihara, membiak atau menyimpan babi;

*Akta 56/1965.* "pemunya" berhubungan dengan tanah termasuklah seseorang yang kepadanya suatu lesen menduduki sementara telah dikeluarkan di bawah Kanun Tanah Negara membenarkan orang itu menduduki tanah itu;

"Pengarah" ertinya Pengarah Perkhidmatan Haiwan, Perak;

"penternakan babi" ertinya melakukan mana-mana satu atau lebih perbuatan yang berikut-

- (a) pembiakan babi;
- (b) penternakan babi;

## PENGAWALAN PENTERNAKAN BABI

- (c) penyimpanan babi;
- (d) pengurusan babi;
- (e) penjagaan babi;

"populasi babi dirian" ertinya jumlah bilangan babi yang hidup;

"populasi babi betina dewasa dirian" ertinya jumlah bilangan babi betina dewasa yang hidup yang sedang dikahwinkan termasuklah babi yang pernah bunting sekurang-kurangnya sekali dan babi yang telah beranak;

"sempadan" berhubungan dengan ladang babi ertinya sempadan ladang babi bersamaan dengan seperti yang dinyatakan dalam pelan susun atur ladang yang telah diluluskan;

"sisa babi" ertinya ekskreta, tahi atau air kencing babi, sisa bahan makanan babi atau air yang telah digunakan untuk mencuci babi atau kandang babi atau untuk mencurahkan longkang dan saluran yang mengandungi ekskreta, tahi atau air kencing babi;

"sisa babi yang tak diolah" ertinya apa-apa sisa babi yang tidak diolah mengikut piawai sebagaimana ditetapkan oleh kaedah-kaedah;

"sungai" mempunyai makna yang sama seperti yang diberi kepadanya dalam Akta Air 1920; *Akta 418.*

"tanah bermilik" mempunyai makna yang sama seperti yang diberi kepadanya dalam Kanun Tanah Negara; *Akta 56/1965.*

"tanah Kerajaan" mempunyai makna yang sama seperti yang diberi kepadanya dalam Kanun Tanah Negara; *Akta 56/1965.*

"tanah melombong" mempunyai makna yang sama seperti yang diberi kepadanya dalam Kanun Tanah Negara; *Akta 56/1965.*

"tanah rizab" mempunyai makna yang sama seperti yang diberi kepadanya dalam Kanun Tanah Negara; *Akta 56/1965.*

## PERAK BIL. 5 TAHUN 1992

"Zon Penampian Babi" ertinya suatu kawasan yang ditetapkan sebagai Zon Penampian Babi di bawah subseksyen (2) seksyen 6.

(2) Dalam Enakmen ini, apa-apa sebutan mengenai Enakmen ini atau mana-mana undang-undang bertulis tertentu termasuklah sebutan mengenai perundangan subsidiari yang dibuat di bawahnya.

### BAHAGIAN II

#### KUASA EKSEKUTIF

**Kewajipan-kewajipan Pengarah.**

3. Pengarah hendaklah—

- (a) menasihatkan Pihak Berkuasa Negeri mengenai penetapan mana-mana kawasan dalam Negeri sebagai Kawasan Penternakan Babi dan sebagai Zon Penampian Babi; dan
- (b) tertakluk kepada Enakmen ini, mematuhi apa-apa arahan yang diberi kepadanya oleh Pihak Berkuasa Negeri.

**Perlantikan pegawai diberikuasa.**

4. (1) Bagi maksud Enakmen ini, Pengarah boleh melantik secara bertulis mana-mana pegawai awam untuk menjadi seorang pegawai diberikuasa.

(2) Pengarah boleh secara bertulis mewakili kepada mana-mana pegawai diberikuasa mana-mana fungsi Pengarah.

(3) Seseorang pegawai diberikuasa hendaklah, jika diminta, mengemukakan kuasa bertulis yang dikeluarkan kepadanya oleh Pengarah.

(4) Adalah tidak menjadi suatu kesalahan bagi seseorang yang enggan untuk mematuhi apa-apa permintaan, kehendak atau perintah yang dibuat atau diberi oleh seseorang pegawai diberikuasa jika pegawai itu gagal atau enggan untuk mengemukakan kuasa bertulis itu apabila dikehendaki berbuat demikian oleh orang itu.

**Perlantikan Jawatankuasa Penasihat Teknikal.**

5. (1) Pihak Berkuasa Negeri boleh melantik beberapa orang sebagaimana yang perlu untuk menjadi anggota suatu jawatankuasa yang hendaklah dikenali sebagai "Jawatankuasa Penasihat Teknikal".

## PENGAWALAN PENTERNAKAN BABI

(2) Adalah menjadi fungsi Jawatankuasa Penasihat Teknikal untuk membantu dan menasihatkan Pengarah dalam penyediaan dan pelaksanaan program-program untuk penyelidikan dan latihan dalam pengawalan pencemaran berhubung dengan penternakan babi.

### BAHAGIAN III

#### KAWASAN PENTERNAKAN BABI

6. (1) Pihak Berkuasa Negeri boleh, melalui pemberitahuan dalam *Warta*, menetapkan mana-mana dalam Negeri sebagai "Kawasan Penternakan ternakan Babi".

**Penetapan  
Kawasan  
Penternakan  
Babi dan  
Zon  
Penampnan  
Babi.**

(2) Pihak Berkuasa Negeri boleh, melalui pemberitahuan dalam *Warta*, menetapkan mana-mana kawasan yang berdampingan dengan atau di sekeliling suatu Kawasan Penternakan Babi sebagai "Zon Penampnan Babi".

(3) Tidak seorang pun boleh menjalankan apa-apa aktiviti dalam Zon Penampnan Babi kecuali dengan kebenaran bertulis Pihak Berkuasa Negeri; dan kebenaran itu hendaklah diberi hanya bagi aktiviti-aktiviti sebagaimana yang ditetapkan oleh kaedah-kaedah.

(4) Mana-mana orang yang menjalankan apa-apa aktiviti dalam Zon Penampnan Babi tanpa kebenaran bertulis Pihak Berkuasa Negeri adalah melakukan suatu kesalahan.

7. (1) Tertakluk kepada seksyen 9, tiada seorang pun boleh melakukan penternakan babi kecuali dalam Kawasan Penternakan Babi.

**Lokasi  
ladang  
babi.**

(2) Tertakluk kepada seksyen 9, mana-mana orang yang melakukan penternakan babi dalam mana-mana tempat di luar Kawasan Penternakan Babi adalah melakukan suatu kesalahan dan hendaklah apabila disabitkan dikenakan denda tidak melebihi lima belas ribu ringgit atau penjara selama tempoh tidak melebihi tiga tahun atau kedua-duanya denda dan penjara itu.

## PERAK BIL. 5 TAHUN 1992

### BAHAGIAN IV

#### PELESENAN PENTERNAK

- Lesen penternakan babi.**
- 8.** (1) Mana-mana orang yang melakukan penternakan babi tanpa lesen adalah melakukan suatu kesalahan.
- (2) Sesuatu lesen penternakan babi yang dikeluarkan boleh mengandungi apa-apa terma, syarat atau sekatan sebagaimana dikenakan oleh Pengarah mengikut budi bicaranya yang mutlak.
- (3) Tiada lesen penternakan babi boleh dikeluarkan bagi mana-mana ladang babi yang terletak di luar suatu Kawasan Penternakan Babi.
- Lesen penternakan babi sementara.**
- 9.** (1) Sehingga sesuatu kawasan telah ditetapkan sebagai Kawasan Penternakan Babi, Pengarah boleh, atas permohonan, mengeluarkan sual lesen penternakan babi sementara kepada mana-mana penternak babi yang sedia ada membenarkan orang itu terus melakukan penternakan babi di atas tapak yang sama bagi apa-apa tempoh dan tertakluk kepada apa-apa terma, syarat dan sekatan sebagaimana dikenakan oleh Pengarah ke atas lesen itu mengikut budi bicaranya yang mutlak.
- (2) Apabila suatu kawasan telah ditetapkan sebagai Kawasan Penternakan Babi, apa-apa lesen penternakan babi sementara yang telah dikeluarkan tidak boleh diperbaharui, dan tempoh lesen itu, sebagaimana dinyatakan dalam lesen itu, tidak boleh dilanjutkan.
- (3) Mana-mana orang yang melakukan penternakan babi di atas tapak yang sama selepas tamat tempoh lesen penternakan babi sementara yang dikeluarkan kepadanya adalah melakukan suatu kesalahan dan hendaklah, apabila disabitkan, dikenakan denda tidak melebihi lima belas ribu ringgit atau penjara selama tempoh tidak melebihi tiga tahun atau kedua-duanya denda dan penjara itu.
- (4) Dalam seksyen ini, "penternak babi yang sedia ada" ertinya mana-mana orang yang telah pun melakukan penternakan babi pada hari Enakmen ini mula berkuat kuasa.



## PENGAWALAN PENTERNAKAN BABI

10. Sesuatu permohonan untuk mendapatkan lesen hendaklah dibuat dalam borang yang ditetapkan kepada Pengarah.

Permohonan.

11. Tiada lesen boleh dikeluarkan melainkan jika pelan disusun atur dan reka bentuk bagi pembinaan sesuatu ladang babi termasuk sempadan ladang babi itu dan kemudahan bagi mengawal luahan atau pembuangan sisa babi telah diluluskan oleh Pengarah:

Kelulusan pelan.

Dengan syarat bahawa berkenaan dengan lesen penternaan babi sementara, Pengarah boleh meluluskan pelan disusun atur dan reka bentuk ladang yang sedia ada dengan ubah suaian yang difikirkan perlu olehnya.

12. (1) Seseorang pemegang lesen hendaklah mempamerkan dalam pejabatnya di ladang babi atau di suatu tempat yang mudah dilihat dalam ladang babi lesen yang dikeluarkan kepadanya.

Mempamer dan mengemukakan lesen.

(2) Seseorang pemegang lesen hendaklah mengeluarkan jika diminta oleh Pengarah, mana-mana pegawai diberikuasa atau mana-mana pegawai polis, lesen yang dikeluarkan kepadanya.

(3) Mana-mana orang yang, tanpa alasan yang munasabah, gagal mempamerkan atau mengemukakan lesen itu adalah melakukan suatu kesalahan dan hendaklah, apabila disabitkan, dikenakan denda tidak melebihi lima ratus ringgit.

13. (1) Pengarah boleh—

Keengganan mengeluarkan atau pembatalan lesen.

- (a) enggan untuk mengeluarkan sesuatu lesen tanpa memberi sebarang sebab;
- (b) pada bila-bila masa meminda atau mengubah apa-apa syarat atau sekatan sesuatu lesen; atau
- (c) membatalkan mana-mana lesen mana-mana orang yang didapati telah melanggar Enakmen ini atau melanggar sesuatu syarat atau sekatan yang dikenakan ke atas lesen itu.

## PERAK BIL. 5 TAHUN 1992

(2) Mana-mana orang yang terkilang dengan keputusan Pengarah boleh, dalam tempoh tiga puluh hari daripada tarikh penerimaan pemberitahuan mengenai keputusan itu, merayu kepada Pihak Berkuasa Negeri yang mana keputusannya adalah muktamad dan tidak boleh dipersoalkan atau dikaji semula oleh, atau dirayu kepada, mana-mana Mahkamah.

**Laporan  
setengah  
tahun.**

**14.** (1) Seseorang pemegang lesen hendaklah, bagi tiap-tiap tahun, menyerahkan dua laporan kepada Pengarah, iaitu-

- (a) laporan setengah tahun yang pertama; dan
- (b) laporan setengah tahun yang kedua.

(2) Laporan itu hendaklah diserahkan dalam borang yang ditetapkan dan hendaklah mengandungi maklumat berhubungan dengan populasi babi dirian, populasi babi betina dewasa dirian dan butir-butir lain mengenai ladang babi sebagaimana dikehendaki oleh Pengarah atau sebagaimana ditetapkan oleh kaedah-kaedah.

(3) Laporan setengah tahun pertama itu hendaklah mengenai tempoh daripada 1 hb Januari hingga 30hb Jun tahun berkenaan; dan laporan setengah tahun kedua hendaklah mengenai tempoh daripada 1hb Julai hingga 31hb Disember tahun itu.

(4) Laporan setengah tahun pertama itu hendaklah diserahkan kepada Pengarah tidak lewat daripada 31hb Julai tahun berkenaan; dan laporan setengah tahun kedua hendaklah diserahkan kepada Pengarah tidak lewat daripada 31hb Januari tahun yang berikutnya.

(5) Mana-mana orang yang, tanpa alasan yang munasabah, gagal mengemukakan laporan setengah tahun itu atau gagal untuk menyerahkan laporan itu dalam tempoh yang ditetapkan di bawah subseksyen (4) adalah melakukan suatu kesalahan.

### BAHAGIAN V

#### PENGUAT KUASAAN DAN PENDAKWAAN

**Kuasa  
memasuki  
premis.**

**15.** Bagi maksud menentukan sama ada apa-apa kesalahan terhadap Enakmen ini telah atau sedang

## PENGAWALAN PENTERNAKAN BABI

dilakukan, Pengarah, mana-mana pegawai diberikuasa atau mana-mana pegawai polis boleh pada bila-bila masa-

- (a) memasuki dan memeriksa mana-mana ladang babi atau tanah, bangunan atau premis yang mengenainya dia mempunyai sebab yang munasabah untuk mengesyaki sedang digunakan untuk penternakan babi dan pemunya atau penghuni ladang atau tanah, bangunan atau premis itu, mengikut mana-mana yang berkenaan, hendaklah memberi kepada pegawai itu segala bantuan yang perlu dan memberi apa-apa maklumat yang dikehendaki oleh pegawai tersebut;
- (b) menyuruh berhenti, menahan, memasuki dan memeriksa mana-mana alat pengangkutan yang digunakan untuk membawa babi.

16. (1) Jika Pengarah, mana-mana pegawai diberikuasa atau mana-mana pegawai polis mempunyai alasan yang munasabah untuk mempercayai bahawa suatu kesalahan terhadap Enakmen ini telah atau sedang dilakukan, pegawai itu boleh menyita mana-mana babi yang menjadi perkara kesalahan itu, dan boleh mengalih dan menjual babi itu atau mengalihkan babi itu ke suatu rumah sembelih haiwan yang sah untuk disembelihkan, atau boleh melupuskan babi itu dengan apa-apa cara sebagaimana ditentukan oleh Pengarah, mana-mana pegawai diberikuasa atau mana-mana pegawai polis.

Penyitaan  
dan  
pengalihan  
babi.

(2) Daging atau kerangka mana-mana babi yang disembelih di bawah seksyen ini hendaklah dilupuskan dengan apa-apa cara sebagaimana ditentukan oleh Pengarah atau pegawai diberikuasa.

(3) Hasil apa-apa jualan di bawah subseksyen (1) atau (2) (sekiranya babi, daging atau kerangka itu, mengikut mana-mana yang berkenaan, telah dijual) hendaklah dilupuskan apa-apa dengan cara sebagaimana ditentukan oleh Pengarah atau pegawai diberikuasa atau, jika ada pendakwaan, dengan apa-apa cara sebagaimana diarahkan oleh Mahkamah.

## PERAK BIL. 5 TAHUN 1992

**Kuasa menangkap.** 17. Pengarah, seseorang pegawai diberikuasa atau seseorang pegawai polis boleh menangkap tanpa waran mana-mana orang dengan munasabah disyaki melakukan atau telah melakukan apa-apa kesalahan terhadap Enakmen ini.

**Pendakwaan.** 18. (1) Pengarah, mana-mana pegawai diberikuasa atau mana-mana pegawai polis yang berpangkat tidak rendah daripada Inspektor hendaklah mempunyai kuasa untuk hadir di mana-mana Mahkamah dan menjalankan apa-apa pendakwaan berhubungan dengan apa-apa kesalahan di bawah Enakmen ini.

(2) Pendakwaan bagi sesuatu kesalahan di bawah subseksyen (2) seksyen 7, subseksyen (1) seksyen 8 atau subseksyen (3) seksyen 9 tidak boleh dimulakan kecuali dengan kebenaran Penasihat Undang-undang Negeri.

(3) Pendakwaan bagi mana-mana kesalahan yang lain tidak boleh dimulakan kecuali dengan kebenaran Pengarah.

**Perobohan ladang.** 19. Jika seseorang itu disabitkan atas suatu kesalahan berhubungan dengan penternakan babi yang menyalahi Enakmen ini, Mahkamah hendaklah, dalam kes kesalahan di bawah subseksyen (2) seksyen 7 atau subseksyen (3) seksyen 9, dan boleh, dalam kes kesalahan yang lain, memerintahkan orang yang disabitkan itu supaya memberhentikan operasinya dan merobohkan ladang itu atau memerintahkan orang itu supaya memberhentikan operasinya dan ladang itu dirobuhkan oleh Pengarah, mana-mana pegawai diberikuasa atau mana-mana pegawai polis.

## BAHAGIAN VI

### AM

**Pelanggaran syarat atau sekatan.** 20. Seseorang pemegang lesen yang melanggar mana-mana syarat atau sekatan lesen adalah melakukan suatu kesalahan.

## PENGAWALAN PENTERNAKAN BABI

21. Seseorang pemegang lesen adalah melakukan suatu kesalahan jika apa-apa sisa babi yang tak diolah, diluahkan atau dibuang, dengan apa jua cara pun, ke dalam atau ke atas mana-mana—

**Pembuangan sisa babi.**

- (a) sungai, tasik atau laut;
- (b) longkang awam;
- (c) takungan air atau kolam atau tanah yang terletak di luar sempadan ladang babinya;
- (d) jalan;
- (e) tanah bermilik;
- (f) tanah Kerajaan;
- (g) tanah rizab; atau
- (h) hutan simpanan kekal.

22. Tiada seorang pun boleh mengangkut babi di atas jalan melainkan jika pengangkutan itu dilakukan atas kenderaan yang diperakui oleh Pengarah sebagai telah dilengkapi dengan memuasnya supaya dapat mengelakkan perlimpahan sisa babi.

**Pengangkutan babi.**

23. Mana-mana orang yang memberi kepada Pengarah, mana-mana pegawai diberikuasa atau mana-mana pegawai polis, bagi maksud apa-apa permohonan atau laporan di bawah Bahagian IV atau apabila dikehendaki untuk berbuat sedemikian di bawah seksyen 15, maklumat yang palsu mengenai butiran yang material, adalah melakukan suatu kesalahan.

**Perakuan palsu.**

24. Mana-mana orang yang tanpa alasan yang sah menyekat, menghalang atau membantu menyekat atau menghalang Pengarah, mana-mana pegawai diberikuasa atau mana-mana pegawai polis yang menjalankan mana-mana kuasa atau melaksanakan tugasnya di bawah Enakmen ini adalah melakukan suatu kesalahan.

**Menyekat pegawai.**

25. Jika atas mana-mana tanah, penternakan babi dilakukan oleh mana-mana orang tanpa lesen, pemunya dan penghuni tanah itu adalah melakukan suatu pemunya dan kesalahan.

**Kesalahan yang dilakukan oleh pemunya dan penghuni tanah.**

## PERAK BIL. 5 TAHUN 1992

**Babi merayau.** 26. Jika mana-mana babi pada bila-bila masa didapati merayau di luar sempadan ladang babi, atau merayau di atas jalan, dalam mana-mana tanah bermilik, tanah Kerajaan, tanah rizab, tanah melombong atau hutan simpanan kekal, pemunya babi itu adalah melakukan suatu kesalahan dan apabila hendaklah disabitkan, boleh dikenakan denda tidak melebihi lima ratus ringgit bagi tiap-tiap ekor babi:

Dengan syarat bahawa jumlah denda yang dikenakan itu berhubung dengan jumlah bilangan ekor babi yang menjadi perkara kesalahan itu tidak boleh melebihi lima belas ribu ringgit.

Dengan syarat selanjutnya bahawa seseorang yang melakukan kesalahan di bawah seksyen ini boleh dikehendaki membayar perbelanjaan yang munasabah untuk mengalih mana-mana babi yang didapati merayau dan untuk membaiki apa-apa kerosakan yang disebabkan oleh babi yang didapati merayau itu.

**Penalti am.** 27. Mana-mana orang, selain daripada suatu pertubuhan perbadanan, tetapi termasuk mana-mana pengarah atau pegawai pertubuhan perbadanan, yang melakukan suatu kesalahan di bawah Enakmen ini yang mengenainya tiada penalti diperuntukkan, hendaklah apabila disabitkan dikenakan denda tidak melebihi sepuluh ribu ringgit atau penjara selama tempoh tidak melebihi satu tahun atau kedua-keduanya denda dan penjara itu dan, bagi kesalahan kali yang kedua atau yang kemudiannya, denda tidak melebihi lima belas ribu ringgit atau penjara selama tempoh tidak melebihi tiga tahun atau kedua-duanya denda dan penjara itu.

**Kesalahan yang dilakukan oleh pertubuhan perbadanan.** 28. (1) Jika orang yang melakukan kesalahan di bawah Enakmen ini ialah suatu pertubuhan perbadanan, orang itu apabila disabitkan boleh dikenakan denda tidak melebihi dua puluh ribu ringgit, dan bagi kesalahan kali yang kedua atau yang kemudiannya, denda tidak melebihi tiga puluh ribu ringgit.

## PENGAWALAN PENTERNAKAN BABI

(2) Jika kesalahan yang telah dilakukan oleh suatu pertubuhan perbadanan itu dibuktikan telah dilakukan dengan kerelaan atau pembiaran atau boleh dikaitkan dengan apa-apa kecuaiian oleh pihak pengarah, pengurus, setiausaha atau lain-lain pegawai seumpamanya pertubuhan perbadanan itu atau mana-mana orang yang berupa bertindak atas sifat sedemikian, dia dan pertubuhan perbadanan itu adalah melakukan suatu kesalahan dan boleh dihukum di bawah seksyen 27 atau subseksyen (1), mengikut mana-mana yang berkenaan.

(3) Jika seseorang egen atau pengkhidmat sesuatu pertubuhan perbadanan melakukan suatu kesalahan atau melakukan apa-apa atau meninggalkan daripada melakukan sesuatu (yang mana jika dilakukan atau ditinggal daripada melakukan oleh pertubuhan perbadanan itu merupakan suatu kesalahan di bawah Enakmen ini), badan itu hendaklah, walaupun ia tidak mengetahui mengenai kesalahan itu, disifatkan melakukan kesalahan itu dan boleh dihukum bagi kesalahan itu melainkan jika ia membuktikan bahawa-

- (a) perbuatan atau peninggalan yang diadukan itu bukanlah dalam bidang biasa pekerjaan pengkhidmat itu atau agensi egen itu; atau
- (b) perbuatan atau peninggalan yang diadukan itu telah dilakukan tanpa kerelaan atau pembiarannya dan bahawa ia telah mengambil pengawasan yang munasabah untuk mencegah perbuatan atau peninggalan itu sebagaimana ia sepatutnya ambil setelah mengambil kira segala hal keadaan kes itu.

29. Pengarah boleh menurut budi bicaranya mengkompaun mana-mana kesalahan di bawah Enakmen ini atau mana-mana kaedah yang dibuat di bawahnya dengan menerima daripada orang yang ada alasan-alasan yang munasabah disyaki melakukan kesalahan itu sejumlah wang tidak melebihi lima ribu ringgit.

**Kuasa  
untuk  
meng-  
kompaun.**

## PERAK BIL. 5 TAHUN 1992

**Perlindungan pegawai.** 30. Tiada liabiliti boleh dikenakan ke atas Pihak Berkuasa Negeri atau mana-mana pegawai berhubungan dengan perbelanjaan, ganti rugi atau kerosakan yang timbul daripada perjalanan kuasa-kuasa yang sah yang diberi kepadanya atau kewajiban-kewajiban yang dikenakan ke atasnya di bawah Enakmen ini dan Pihak Berkuasa Negeri atau pegawai-pegawai itu tidak boleh dikenakan apa-apa tindakan, tuntutan atau liabiliti yang timbul daripada perjalanan kuasa-kuasa yang sah yang diberi kepadanya, atau pelaksanaan kewajiban-kewajiban yang dikenakan ke atasnya, di bawah Enakmen ini.

**Kaedah-kaedah.** 31. Pihak Berkuasa Negeri boleh, melalui pemberitahuan dalam *Warta*, membuat kaedah-kaedah bagi melaksanakan peruntukan-peruntukan Enakmen ini dan, khususnya tetapi tanpa menjejaskan keluasan yang disebutkan terdahulu, kaedah-kaedah itu boleh menetapkan-

- (a) kehendak-kehendak perancangan Kawasan Penternakan Babi dan Zon Penampian Babi termasuklah susun atur dan reka bentuk lading babi berhubungan dengan pengutipan, pengolahan, penstoran, pembuangan dan luahan sisa babi;
- (b) mengenai lain-lain perkara berhubungan dengan Kawasan Penternakan Babi, Zon Penampian Babi dan ladang babi, termasuklah kepadatan pengstokan babi dari segi populasi babi dirian atau populasi babi betina dewasa dirian bagi tiap-tiap hektar tanah atau ladang, mutu efluen dan darjah pengolahan atau teknologi yang mesti digunakan, susun atur perumahan, pembahagian ruangan, kemudahan-kemudahan minimum, kemudahan-kemudahan perlu, dan lain-lain yang diperlukan untuk melindungi alam sekitar dan kesihatan awam;
- (c) prosedur, borang dan fee bagi maksud apa-apa permohonan, lesen atau prosiding di bawah Enakmen ini; dan



## **PENGAWALAN PENTERNAKAN BABI**

(d) apa-apa yang diperlukan oleh Enakmen ini untuk ditetapkan.

Diluluskan pada 16hb Oktober 1992.  
[UPEN. (SULIT) (KP) 1/2/2/3 Bhg. II;  
PU. Pk. 14/86.]

**SHAR Aidin Bin Takin,**  
*Setiausaha,*  
*Dewan Perhimpunan Undangan Negeri,*  
*Perak*